
Մամլոյ Հաղորդագրութիւն

Հ.Բ.Ը.Մ.Ի ՆԱԽԱԳԱՀ ՊԵՐՃ ՍԵՂՐԱԿԵԱՆ ԿԸ ԽՕՍԻ 2020-Ի ԱՐՑԱԽԵԱՆ ՊԱՏԵՐԱԶՄԻ ՀԵՏԵԻԱՆՔՆԵՐՈՒՄՆ ԿԵՐԱԲԵՐԵԱԼ ԻՐ ԱՆՁՆԱԿԱՆ ՏՊԱԻՈՐՈՒԹԻՒՆՆԵՐՈՒՆ ՄԱՍԻՆ

15 Յունիս 2021

Անմիջապէս Հրատարակութեան Համար

Հայաստան եւ Արցախի կատարած յետ-պատերազմեան իր առաջին այցելութենէն Նիւ Եորք վերադառնալէ անմիջապէս ետք, Հ.Բ.Ը.Մ.Ի Նախագահ Պերճ Սեղրակեան իր անձնական տպաւորութիւնները եւ մտածումները բաժնեց, պատասխանելով Միութեան անդամներու եւ բարեկամներու հարցումներուն: Նախագահին տեսակետները առկայ իրականութիւններուն շուրջ, կը բխին համաշխարհային ոչ-շահամէտ կազմակերպութեան մը 20 տարիներու դեկավարի իր հայեցողութենէն եւ վերջին աւելի քան 30 տարիներուն, հայրենիքի հետ սերտօրէն առնչուած իր առաջնորդող դերակատարութեան փորձառութենէն: Ան կը բացատրէ թէ ինչ ձեւով իր այդ տպաւորութիւնները եւ եզրակացութիւնները կրնան ձեւաւորել յառաջիկայ ամիսներուն եւ տարիներուն Հ.Բ.Ը.Մ.Ի առաքելութեան իրականացումին ուղղուած ռազմավարութիւնն ու առաջադրուած խնդիրներու լուծումները: Ստորեւ կը ներկայացնենք այդ անպաշտօն հարց-պատասխանի շեշտադրումները:

Ի՞նչ նպատակ կը ձգտէիք իրականացնել պատերազմէն ետք ձեր այս առաջին այցելութեամբ

Անկեղծօրէն, փափաքս էր անձամբ արժեւորել պատերազմէն բխող իրադրութիւնը իր տարբեր դրսեւորումներով: Վերջին հաշուով, բարդ եւ դառն իրականութիւն մը կը պարզուի Հայաստանի եւ Արցախի ժողովուրդին, եթէ ոչ ամբողջ աշխարհի հայութեան համար: Անձնապէս իրականութեան վերահասու դառնալը, տարբեր է հեռուէ-հեռու լուրերու եւ լաւատեղեակ աղբիւրներու միջոցաւ դէպքերու ընթացքին հետ քայլ պահելու ճիգէն:

Հ.Բ.Ը.Մ.Ի Հայաստանի Նախագահ Վազգէն Եագուպեանին հետ միասին, կ'ուզէինք գլխաւորաբար մօտէն ծանօթանալ եւ գնահատել ժողովուրդին հոգեվիճակը: Ի վերջոյ, ժողովուրդն է

որուն կը ծառայէ Հ.Բ.Ը.Մ.ը իր տարբեր կարելիութիւններով, ըլլան անոնք կրթական, մշակութային, մարդասիրական օժանդակութեան, կամ տնտեսական-հանրային զարգացման մարզերու մէջ: Մեր նպատակն էր հաղորդակցիլ ժողովուրդին կարելի առաւելագոյն չափով լայն զանգուածին հետ, Հայաստանի թէ Արցախի մէջ: Կ'ուզէինք անձամբ լսել Հայաստանի հարաւային շրջաններէն տեղահանուած ընտանիքներու վկայութիւնները նաեւ անոնց, որոնք պարտադրուած էին լքել իրենց տուները եւ ապաստանիլ զինադադարի համաձայնութենէն ետք Արցախի ինքնավար մարզէն մնացած տարածքին վրայ: Մեր նպատակն էր նաեւ հանդիպիլ տեղւոյն հոգեւորական դասին հետ, տեսնելու համար Ազերի ուժերուն կողմէ եկեղեցիներուն եւ պատմական սրբավայրերուն հասցուած վնասներն ու անոնց սպառնացող վտանգները: Անկէ ետք էր միայն, որ մեզի համար կարելի պիտի ըլլար յստակատես ռազմավարութիւն մը մշակել եւ որոշումներ կայացնել, այս կէտէն անդին Հ.Բ.Ը.Մ.ի կատարելիք դերին կապակցութեամբ, արժեւորելով նաեւ պատերազմի աղիտալի հետեւանքներուն ազդեցութիւնը մեր ներկայ ծրագիրներուն եւ յետագայ առաջնահերթութիւններու ճշդումին վրայ:

Ասոնք էին մեր մտքին մէջ եղող հարցադրումները:

Ի՞նչ էր ձեր ճամբորդական ծրագիրը

Բարեղէպ զուգադիպութեամբ մը, մեր այցելութիւնը կը համընկնէր Նորին Սուրբ Օծութիւն Գարեգին Բ.ի Յունիսի 3-էն 6-ի համար ծրագրուած հայրապետական այցին: Մեր երթուղին յանդուգն եւ հաւանական վտանգներով յի ծրագիր մը կ'ընդգրկէր, որ մեզ պիտի հասցնէր Սիւնիք, Արցախ եւ ներկայիս Ատրպէյճանի կողմէ գրաւուած հայկական հողատարածքներ, որոնք կը գտնուին Ռուս խաղաղարարներու հսկողութեան տակ: Չորս օրերու ընթացքին, կրցանք այցելել Սիւնիքի սահմանամերձ Շուռնուխ գիւղը, ուր հանդիպեցանք ներկայիս գիւղին կէսը գրաւող Ազերիներու կողմէ, իրենց տուներէն տեղահանուած ընտանիքներու: Այցելեցինք նաեւ Գորիսի ժողովուրդին, մեր յարգանքի տուրքը մատուցելով շրջանի նահատակներուն, անոնց համար ստեղծուած նոր գերեզմանոցին մէջ: Արցախի մէջ, կարելոր էր մեզի համար այցելել Ամարասի եւ Գանձասարի վանական կառոյցները: Բնականաբար հաղորդակցեցանք Արցախի ժողովուրդին հետ, նաեւ նոր իրադրութեան բերումով, յարաբերեցանք ռուս զինուորներու հետ, այցելելով տեղւոյն ռուսական ռազմակայանը: Ամբողջ ընթացքին, ուր որ ալ կը գտնուէինք, Ազերի ուժերու ներկայութիւնը միշտ զգալի էր:

Ինչպէ՞ս կը նկարագրէք ընդհանուր կացութիւնը

Կրնամ ըսել պրկուած, շրջանի աշխարհաքաղաքական իրադրութեան եւ Հայաստանի յառաջիկայ խորհրդարանական ընտրութիւններուն բերումով: Կացութիւնը նաեւ բաւական ծանր է, երբ նկատի ունենաք երկրին վրայ ծանրացող անորոշութեան յամեցող մութ ալիքը եւ կէանքի բոլոր ոլորտներէ հայ մարդոց ապրած ցնցումը եւ խոր ցարը:

Կացութիւնը անկայուն է, բազմաթիւ անորոշ տուեալներու եւ գործօններու առկայութեամբ: Ակներեւ է անշուշտ ղեկավար շրջանակներու մէջ տիրող խառնաշփոթութիւնը, որ աւելի եւս կը բարդանայ Յունիս 20-ի խորհրդարանական արտակարգ ընտրութիւններուն ընդառաջ, քաղաքական կուսակցութիւններու բաժանարար հռետորաբանութեան եւ անոնց արծարծած հակամարտութեան մթնոլորտին պատճառով: Կրնաք անշուշտ յաւելել կատարուող սահմանային

նունձգութիւնները Հայաստանի ինքնիշխան հողամասերուն մէջ, Ատրպէյճանի կողմէ տակաւին պահուող ռազմագերիներու խնդիրը եւ 5000 կեանքերու կորուստին պատճառած անսպիտակեղի սուզին ծանրութիւնը հանրութեան մօտ:

Կ'այցելէք գերեզմանոցները: Կը տեսնէք հայկական դրօշները որոնք ովկիանոսի նման կը ծածանին հովին դիմաց: Ապա կը կարդաք գերեզմանաքարերուն վրայ արձանագրուած ծննդեան թուականները: Ծնած 1998-ին, 1999, 2001: Սրտի ճմլումով կ'անդրադառնաք երկրէն յափշտակուած ներուժի տարողութեան: Փոքր երկրի մը համար 5000 սպանուած եւ 12,000 վիրաւոր, մեծ կորուստներ են: Արցախեան առաջին պատերզմին աւելի մեծ թիւով զոհեր ունեցանք, սակայն այդ զոհաբերումը արդիւնաւորուեցաւ յաղթանակով եւ անոր ձեռքբերում-ներուն պատճառած հպարտութեան զգացումով: Սակայն այժմ կացութիւնը տարբեր է եւ տիրող զգացում կայ, թէ կարելի էր պատերազմը կանխարգիլել:

Ի՞նչ կարելի է ընել ազգային ապաքինումի ուղղութեամբ

Երբ կը տեսնեմ քաղաքական տարամերժութիւնը, թափանցիկութեան պակասը, շրջանառութեան մէջ դրուած բազմապիսի ենթադրութիւնները եւ իրականութեան նկատմամբ տիրող թերահաւատութիւնը, կառավարական սնանկ կառոյցներու նկատմամբ քանդուած վստահութիւնը, կը խորհիմ, որ Եկեղեցին, կրկին անգամ, կը հանդիսանայ գլխաւոր խարիսխը եւ կռուանը: Երբ մարդիկ վշտահար են, անոնք աւելի կը մօտենան Աստուծոյ: Հոգեւոր գետնի վրայ յարաբերելու կարիքը խորապէս զգալի էր մեր բոլոր այցելութիւններուն ընթացքին: Վեհափառին եւ իր շքախումբին ներկայութիւնը բնական եւ անկեղծ յուզականութեամբ կ'ընկալուէր տեղական բոլոր համայնքներուն կողմէ, ինչ որ կը հաստատէր Հայ Եկեղեցւոյ պատմականօրէն փաստուած այժմեութիւնը ժողովուրդի կեանքէն ներս, տազնապներու եւ արտակարգ իրադրութեանց պահերուն:

Ի՞նչ կը խորհիք քաղաքական կացութեան մասին՝ ընտրութիւններու նախօրէին

Ակնյայտ է, որ երբ երկու արտաքին գործոց նախարարներ կը հրաժարին նուազ քան մէկ տարուան ընթացքին, անապահովութեան զգացումը կրնայ միայն սաստկանալ: Դժբախտաբար ընտրագանգուածը շատ դժուար ընտրութեան մը պարտադրանքին տակ կը գտնուի: Պիտի ակնկալէինք որ կառավարման փորձառութեամբ բնորոշուող թարմ եւ յանդուգն դէմքեր ի յայտ եկած ըլլային արդէն իսկ: Այս ներքին խոր տարակարծութիւնները համազօր են Միացեալ Նահանգներու եւ Իսրայէլի նման երկիրներու մէջ: Սակայն հայաստան չունի այդ անկայունութիւնը հակակշռող համապատասխան կառավարական կառոյցները: Անկախ, թէ այսօր ներկայացող թեկնածուներէն ով գերակշռող կը հանդիսանայ, հակառակորդ ուժերը պիտի շարունակեն արգելք հանդիսանալ յառաջընթացին: Խնդիրը այն է, որ արդիւնաւոր կառավարութիւն մը իրականացնելու համար մեր ունեցած առիթը շատ կարճ է, նկատի ունենալով աշխարհաքաղաքական իրադրութիւնը մեր սահմաններուն վրայ եւ Արցախի մէջ: Մենք պէտք է աւելի լաւ պատրաստուած ըլլանք դիմագրաւելու համար յառաջիկայ զարգացումները:

Թեկնածուներէն որեւէ մին դիմա՞ծ է ձեզի ձեր հաւանութիւնը ապահովելու համար

Ես դիտաւորեալ կերպով խուսափած եմ բացայայտ կամ ոչ-բացայայտ որեւէ յարաբերութիւն մշակելէ ներկայիս քաղաքական դերակատարութիւն ունեցող անձերուն հետ: Ոչ անոր համար որ մտահոգ չեմ քաղաքական իրադրութեամբ, որ անպայմանօրէն իր ազդեցութիւնը ունի այն անձանց կեանքերուն վրայ որոնց մենք կը ծառայենք, այլ որովհետեւ Հ.Բ.Ը.Մ.ը միշտ նախանձախնդիր է իր առաքելութիւնը զատորոշելու եւ զերծ մնալու տիրող քաղաքական ամէն բնոյթի նկրտումներէ: Որպէս ազգային կառոյց, Հ.Բ.Ը.Մ.ը յաջողած է իր գործունէութիւնը իրականացնել աշխարհի տարածքին եւ քաղաքական տարբեր համակարգերու պայմաններուն տակ, Հայաստանի եւ Արցախի մէջ: Ճիշդ այս օրերուն, մեր կազմակերպութիւնը, կրնայ համերաշխութեան սատարող ուժ մը հանդիսանալ, որովհետեւ մեր գործունէութիւնը եւ ծրագիրները յատկապէս միտուած են համախմբելու բարեկամեցողութիւն ունեցող անձինք:

Բայց եւ այնպէս պէտք է ընդունիմ, որ կեցութեանս ընթացքին, իմ մտահոգութիւններս յայտնեցի Հայաստանի մէջ գործող օտար պետութիւններու ներկայացուցիչներուն, որոնց շարքին Ռուսիոյ, Ֆրանսայի, Միացեալ Նահանգներու եւ Եւրոպական Միութեան դեսպաններուն:

Կրնա՞ք պարզել թէ ինչի կը վերաբերէին քաղաքական ձեր այդ հանդիպումները

Հ.Հ. Նախագահ Արմէն Սարգիսեանի եւ Արցախի Նախագահ Արայիկ Յարութիւնեանի հետ իմ հանդիպումներէս զատ, ես առիթը ունեցայ հանդիպելու Հայաստան-Արցախ-Ատրպէյճան հակամարտութեան առնչուող Միւսկի Խումբի երկիրներու դեսպաններուն հետ: Բնականաբար շատ բան չէին կրնար ըսել անոնք, բայց եւ այնպէս արտայայտեցին իրենց մտահոգութիւնները: Մղուեցայ հակադարձելու անոնց, խօսելով Հ.Բ.Ը.Մ.ի աշխարհատարած համայնքին անունով, արտայայտելու համար մեր հաւաքական յուսախաբութիւնը եւ մեզի դաշնակիցներ նկատուող այդ գլխաւոր ուժերուն կողմէ լքուած ըլլալու զգացումը: Մատնանշեցի, որ անոնք լուր մնացած էին, կամ երկթիմի յայտարարութիւններով հանդէս եկած էին, առանձին ձգելով Հայաստանը, ի բաց առեալ զինադադարի կարգադրութեան մէջ Ռուսիոյ ունեցած դերակատարութենէն:

Ի վերջոյ, Ռուսերը պիտի պաշտպանեն Հայերը, այնքան ատեն որ ատիկա միեւնոյն ժամանակ կը ծառայէ իրենց շահերուն: Ներկայիս, Հայկական եւ Ռուսական շահերը կը համընկնին, որովհետեւ անոնցմէ իւրաքանչիւրը, իր մտահոգութիւններէն մղուած, չեն փափաքիր որ Թուրքիա եւ Ատրպէյճան կարենան հակակշռող դեր ունենալ Հարաւային Կովկասի Շրջանին մէջ:

Ի՞նչ էին ձեր տպաւորութիւնները երբ հասաք Միւնիք եւ Արցախ

Հոս է որ պատերազմին հետեւանքները խորապէս ակնյայտ են: Պէտք էր որ անցնէինք Լաչինի հին միջանցքէն եւ Ազերի հողամասերէ, որովհետեւ այլեւս կարելի չէ օգտագործել Քարվաճառէն անցնող նոր ճամբան, որ 2017-ին ամբողջացած էր, Հայաստան Համահայկական Հիմնադրամին կողմէ տրամադրուած միջոցներով եւ սփիւռքահայութեան մասնակցութեամբ: Այս տարածքները այժմ անցած են Ատրպէյճանին: Մեր ուղեւորութեան ընթացքին, երկու ուղղութեամբ, անհրաժեշտ էր որ մեզի ընկերակցէին Ռուսական զօրքի միաւորներ: Շուտով զիւղին մէջ կային 13 տուներ ուր հայ ընտանիքներ կ'սպրէին: Ազերիները գիւղացիներուն ըսած էին՝ «Խուրս ելէք: Մենք հոս ենք:» Ընկճուածութեան խոր զգացում մը կը տիրէ, որովհետեւ Ազերիներ որեւէ ատեն կրնան գալ եւ Հայերը պիտի չհամարձակին դիմադրել: Այսպէս, այդ 13

ընտանիքները պետք է անցնեն ճամբան եւ փողոցին միւս կողմը, ապաստանէին հայ գիւղացիներու մօտ: Մենք խոստացանք անմիջապէս օգնել տուներու վերաշինութեան, որպէսզի անոնք պատրաստ ըլլան յառաջիկայ ձմռան համար:

Իսկ ինչ կը վերաբերի Արցախի մէջ գտնուող եկեղեցիներուն, պաշտպանուա՞ծ են անոնք

Դէպի Ամարաս մեր ճամբուն վրայ, տեսարանը ճնշող էր, որովհետեւ Ազերիներու կողմէ գրաւուած Շուշի քաղաքը կանգնած էր վերը, բլուրին վրայ: Շքախումբը փափաքեցաւ այցելել Դադիվանք, բայց Ռուսերը ըսին՝ «Կը ցաւինք որ կարելի չէ կարգադրել այդ:» Ըստ երեւոյթին, երեք հայ հոգեւորականներ ձգած էին վանքը իրենց ընտանիքները այցելելու համար, հաստատ վերադառնալու մտադրութեամբ: Այժմ Ազերիները չեն արտօներ անոնց վերադարձը, միայն երկու հոգեւորականներ եւ սարկաւազ մը ձգելով վանքին մէջ: Արցախէն վերադարձի մեր ճամբուն վրայ, վանքին մէջ մնացած հոգեւորականը հեռաձայնեց Վեհափառին ըսելով՝ «Այսօր ամենագեղեցիկ պատարագը մատուցեցի, սակայն հաւատացեալներ ներկայ չէին, որովհետեւ ռուս զինուորները շրջապատած էին վանքը, զայն Ազերիներէն պաշտպանելու համար:» Եթէ անոնք չպաշտպանեն դարաւոր հնութիւն ունեցող վանքը, Ազերիներ վստահաբար պիտի մտնեն եւ գրաւեն զայն:

Այս տեսարանները խորապէս մտահոգիչ են: Ի՞նչ պէտք է ըլլան մեր հետագայ քայլերը

Իբր իրատես անձ, պէտք է հաստատեմ, որ մենք հայերս առանձին ենք այս ճակատագրական հանգրուանին: Ստենն է, որ մենք մեզի վերյիշեցնենք մեր կազմակերպութեան պատմութիւնը: Մենք նման կացութիւններու ակնաստեսը եղած ենք նախապէս, երբ ամէն ինչ կորսուած կը թուէր ըլլայ: Մակայն հայութիւնը բնաւ չէ կորսնցուցած փայլուն ապագայի իր տեսիլքը, յատկապէս նոր սերունդները: Անցեալին, տասնամեակներու ընթացքին, Հ.Բ.Ը.Մ.ը իր կարգին, միշտ հետեւողականօրէն իր ճիգերը կեդրոնացուցած է հայերու կեանքի բարելաւումին ուղղութեամբ, անկախ թէ որո՞ւ հեղինակութեան տակ գտնուած են անոնք:

Անոնք որոնք Արցախի մէջ են, ամենէն աւելի խոցելի են, դիմակալելով իրենց հայկական ինքնութիւնը եւ պատմութիւնը բնաջնջելու սպառնալիքները: Մակայն Հ.Բ.Ը.Մ.ը, ինչպէս ուրիշներ, ունի գործիքակազմը եւ փորձառութիւնը, օգնելու անոնց, պահպանելու իրենց հայկական ինքնութիւնը, լեզուի, կրօնի, արանդութիւններու եւ պատմութեան վերաբերեալ եւ համաշխարհային հայ համայնքի պատկանելութեան գիտակցութենէն բխող հպարտութեան զգացումով: Մենք իրագործած ենք այդ Սփիւռքի տարածքին, երկիրներու մէջ, որոնք մեզ հիւրընկալած են որպէս փոքրամասնութիւններ եւ գնահատած մեր մշակոյթը, նաեւ հոն ուր մեր հանդէպ վերաբերուած են վերապահութեամբ: Այս ուղղութեամբ աշխատանքը կրնանք սկսիլ անյապաղ, նախ քան որ արդէն ուշ ըլլայ, ինչպէս ըրած էինք 1915-ի Ցեղասպանութենէն անմիջապէս ետք:

Պէտք է ծրագրենք նախատեսելով ամէն տեսակի հաւանական զարգացումներ, ձեռներեցութեամբ եւ ռազմավարական մօտեցումներով, անցեալէն դասեր քաղելով եւ նորարար գործելակերպով, որպէսզի կարելի ըլլայ ներգրաւել երիտասարդութիւնը: Գոյատեւումի հայկական ոգին կարելի պիտի ըլլայ վերարծարծել, այնպիսի նախաձեռնութիւններով միայն, որոնք կեանքեր կը վերականգնեն եւ մարդիկ յառաջ կը մղեն: Այդ բոցը ներկայիս տկար է, սակայն բնաւ չէ հանգած:

Անոր համար է, որ նոյնիսկ իբր իրատես անձ, ես յուսալի եմ ապագայի նկատմամբ: Մենք պետք ունինք դիւանագիտական կարողութիւններու, եւ ղեկավարութեան մօտ՝ քաղաքական հասունութեան: Անհրաժեշտ են առաջնորդներ, որոնք ունին իմաստութիւն, փորձառութիւն, եւ կարող են ունենալ տեսլական՝ ապագային, երկրին եւ այդպիսով ազգին համար:

Ի՞նչ է կացութիւնը Հ.Բ.Ը.Մ.ի այն ծրագիրներուն, որոնք նախ քան պատերազմը, մեծ աշխոյժութեամբ եւ յաջողութեամբ կ'իրագործուէին Արցախի մէջ

Վազգէն Եագուպեան եւ ես, հանդիպեցանք Արցախի մէջ Հ.Բ.Ը.Մ.ի ծրագիրներուն մասնակցած շահառուներու հետ: Մենք երկուքս խորապէս տպաւորուեցանք մասնակիցներուն յարատելելու եւ բարեկեցութեան հասնելու հաստատականութեամբ: Հանդիպեցանք Հ.Բ.Ը.Մ.ի Կին Ձեռներէցներ ծրագրի մասնակիցներուն հետ, որուն նպատակն է օժանդակել կանանց, որպէսզի տնտեսական անկախութիւն ձեռք ձգեն: Մասնակիցներէն մին, արդէն սկսած է բարձրորակ թէյի արտադրութեան որ իր որակով կը մրցի եւրոպական արտադրութիւններու հետ: Ուրիշ կին մը սկսած է գեղագիտական արտադրութիւններու ձեռնարկի մը, որ մեծ յաջողութիւն արձանագրած է նոյնիսկ համավարակի պայմաններուն տակ: Ուրիշ կին մը տեղեկացուց, թէ ձեռնարկած է հոգեբանական աջակցութեան եւ բարելաման ընկերային կեդրոնի մը ծրագրին, որպէսզի ընտանիքներ կարենան իրարու մօտ գալ այս ծանր օրերուն: Համայնքի այս անդամներուն մօտ համերաշխութեան չափազանց բարձր ոգի կը տիրէ:

Հանդիպեցանք նաեւ աշխատանքային որոշ մարզերու, ինչպէս գրասաշրջութեան եւ հանրային կառավարման, աշխատունակութեան բարձրացումին ուղղութեամբ, երիտասարդներու եւ տարեցներու համար Հ.Բ.Ը.Մ.ի նախաձեռնած անգլերէն լեզուի եւ այլ կարողութիւններու զարգացման ծրագիրներու մասնակիցներուն հետ (AGBU LEAP – Learn to Earn Artsakh Program – Սովորիր Եւ Վաստակիր Ծրագիր): Հակառակ այն իրողութեան որ իրենց կեանքերը գլխիվայր դարձած են, անոնք կը շարունակեն իրենց աշխատանքը եւ յառաջընթացը, այս Յունիսին իրենց շրջանաւարտութիւնը ծրագրելով: ԹՈՒՄՕ X Հ.Բ.Ը.Մ. Արցախի կեդրոնը նոյնպէս վերաբացած է իր դռները եւ պատանիները կը զարմացնեն մեզ իրենց ստեղծարար ծրագիրներով եւ հնարչական իրագործումներով: Յաւելեալ այս բոլորին, մենք յանձն առած ենք իրագործել բազմակի օգնութեան եւ վերաշինութեան ծրագիրներ շրջանին համար: Էջմիածինի հովանաւորութեամբ, մենք նաեւ խոստացած ենք ֆինանսաւորել Հաղորթէն տեղահանուած ընտանիքներու մանուկներուն համար մանկապարտէզի մը շինութիւնը Ստեփանակերտի մէջ: Որոշած ենք նաեւ մշակել աջակցութեան յատուկ ծրագիր մը շրջանի հոգեւորականներուն համար, որոնց դերը կենսական է:

Ի՞նչ են ձեր եզրափակիչ մտածումները

Ես անդրադարձայ, թէ 1990-ականներուն, Հայաստանի ազգային ինքնութիւնը վերասահմանուած էր Ատրպէյճանի պարտութեամբ եւ հայկական պատմական տարածքներու ազատագրումով: Այսօր պետք չէ որ ժողովուրդը երթայ միւս ծայրայեղութեան, ինքզինք սահմանելով պարտութեամբ: Որովհետեւ այդպիսով անոնք իրենք զիրենք կը ձերբազատեն իրենց պատասխանատուութիւններէն որպէս անհատներ եւ որպէս ազգ: Հ.Բ.Ը.Մ.ը իր աջակցութիւնը պիտի ընձեռէ, աննկուն ոգիի կռումին, գործունէութիւններու միջոցաւ, որոնք կը

սատարեն ինքնութեան կազմաւորումին եւ հայ մշակոյթի պանծացումին, արհեստավարժական ձիրքերու մշակումով մղում տալով բարեկեցութեան, միաժամանակ, գործունէութիւններու ընդմէջէն, միասնութեան եւ համերաշխութեան պատգամներ յղելով բոլորին:

Աշխարհի տարածքին հայեր ի՞նչ կրնան ընել օգնելու համար այս բոլորի իրագործումին

Բոլոր անոնք որոնք կը բաժնեն յառաջ ընթանալու մեր հաստատակամութիւնը, ի հեճուկս ամէն տեսակի խոչընդոտներու, կենսական եւ մեզի համար: Կարիքը ունինք խորհրդատուներու, փորձագէտներու, գործընկերներու, ճարտարագիտական մարզի մասնագէտներու, ներշնչական գաղափարներու՝ տաղանդաւոր եւ կարող անձերու կողմէ, երկրէն ներս թէ դուրս: Կը խնդրենք անոնցմէ, որոնք կարող են, աւելի առատաձեռնօրէն նուիրաբերել նոյնիսկ եթէ ներդրումային վտանգները շատ աւելի շեշտակի են ներկայիս քան անցեալին: Մենք ունինք անհրաժեշտ փորձառութիւնը, տեղական եւ համաշխարհային ցանցերը, միջազգային գործընկերութիւնները, վերափոխելու համար կեանքեր: Երբ հասարակաց գետին գտնենք կառավարութեան հետ, մենք պատրաստ ենք փոխ-գործակցութեան: Բայց շտապ կարիքը շատ մեծ է եւ իրական, սպասելու համար որ քաղաքականութիւնը հասնի համընթաց ընթանալու մեր դիմաց գտնուող առաջնահերթութիւններուն հետ:

Արցախի մէջ Հ.Բ.Ը.Մ.ի ծրագիրներուն մասին յաւելեալ տեղեկութիւններ ձեռք բերելու եւ մասնակցութեան կարելիութիւններուն ծանօթանալու համար, հաճեցէք կապուիլ Քէրըն Փափազեանի հետ, kpapazian@agbu.org

*Հայկական Բարեգործական Ընդհանուր Միութիւնը (Հ.Բ.Ը.Մ.) աշխարհի մեծագոյն ոչ-շահամէտ հայկական կազմակերպութիւնն է, նուիրուած հայեցի ինքնութեան եւ ժառանգութեան պահպանումին եւ մշակումին՝ կրթական, մշակութային եւ մարդասիրական ծրագիրներով: Միութեան գործունէութիւնները բարերար ազդեցութիւն կը բերեն տարեկան 500,000-է աւելի անձերու կեանքերէն ներս, Հայաստանի ու Արցախի մէջ եւ Մփիւռքի տարածքին: Իր հիմնադրութենէն ի վեր, Հ.Բ.Ը.Մ.ը հաւատարիմ մնացած է համայն հայութեան բարօրութեան ապահովումին ուղղուած իր գլխաւոր առաքելութեան:
Յաւելեալ տեղեկութիւններու համար՝ այցելեցէք www.agbu.org կայքէջը:*

Յաւելեալ Տեղեկութեանց համար - Կապ
AGBU Press Office
55 East 59th Street
New York, NY 10022-1112
Phone: 212.319.6383
Email: communications@agbu.org